



Arubaanse Courant

Anja 25

DIABIERNE 10 JANUARI 1964

No. 4936

Apuntes Editorial

Landador y speedboat

Diadomingo un enfermera cu tabata landando na su smaak na Corsow, despues di un dia cansa di trabao, a yega na su fin na un manera masha spantoso, ora cu un speedboat, di cual e manehador no a mira e cabez di e enfermera den awa, a pasa ariba djé. Notabatin ningun grito; unicamente nan a sinti cu e chapaleta a dal algo den awa, mes ora e awa tabata cora di sanger y un landador a muri.

Esaki no ta promer biaha cu tal cos ta sosode na Corsow. Den e awanan di Corsow a muri fuera di enfermera Rademakers, algun anja pasa seior Ravenzwaay, mientras cu anja pasa seior Bart Womgoor kende a sinti un speedboat pasa ariba djé y e chapaleta habri su curpa, a scapa di chiritu. Ora cu nan a saké for di awa su lomba tabata completamente habri door di e chapaleta.

Esun cu observa e situacion na Palm Beach na Aruba, caminda cientos di landadornan y diferente donjonan di speedboatnan ta practica e deporte di lamar, anto nan ta puntra nan mes, con ta posibel, cu aki ainda diariamente tur landadornan ta sali sano for di lamar. Cu preocupacion nos - y no unicamente nos so - a para mira e situacion ayanan y constata con e speedboatnan no ta tuma cuenta cu linja di demarcacion, cual ta worde muestra door di barilnan cu ta drief den lamar. Pafor di e barilnan aki ta e terreno pa e speedboatnan, cualnan tin algun corredor special door di cual nan por yega na beach.

Mas y mas speedboat ta worde usa, pero tambe ta bin mas landador y especialmente turistanan. Y tambe lastimamente dia pa dia ta mira mas mucha hombernan y muhernan hoben na wiel di e speedboatnan.

Segun nos opinion algun medida ta sumamente urgente, nos a worde avisa atrobe door di e drama cu a tuma lugar Diadomingo ultimo na Nieuwpoort, pesey tin di pone un pollis especial pa beach, cu diariamente ta patruilla y cu

a. ta controla tur donjonan di speedboat regularmente si nan tin permiso pa maneha boto y si ta necesario duna nan proces verbal mesora.

b. duna cualkier donjo di speedboat cu no ta keda den e corredornan marca door di baril proces verbal mesora.

c. cu ta inspecta e material di salba bida den e cashinan banda di costa continuamente y tambe duna esunan cu ta hunga cu material di salbada sin motibo un "bon" sin dilata. (ta tristo pa mira con e publico ta trata cu material di salbada, cu a worde poni eynan door di gobierno preocupa pa e seguridad di e landadornan).

2. E parti di lamar caminda e landadornan por landa mester worde haci mas hancho. Hopi bon landadornan no tin bastante na un pida smal di lamar pa nan por landa na nan gusto, especialmente e turistanan cu no ta mira e peligro di e speedboatnan a-sina liber, e chens ta grandi cu

Gobernador N. Debrot: Comprension mutuo ta base di nos bida social

San Nicolas, 10 Januari.

Di arazon atardi 5'or Gobernador N. Debrot y senjora, acompaña pa nan adjudant y Gezaghber O.S. Henriquez y esposa a haci un bishita na Club Boneriano na San Nicolas, caminda nan a worde ricibi pa e directiva di e club encabeza pa e presidente seior Moises St. Jago.

Durante dos ora Su Excelencia hunto cu e otro huespednan a pasa un tempo agradabel, dunando y scuchando diferente discurso, mientras cu despues di e parti oficial, seior Debrot a haci un paseo door di e club ariba invitacion di e directiva, durante di cual paseo diferente persona y miembro di e club a para combersa cu e Gobernador.

Banda di 5'or Gobernador y senjora Debrot, hunto cu Gezaghber Henriquez y senjora a drenta Club Boneriano, cu al pa e ocasion aki tabata tin diferente setnan di mueblesnan bunita den e sala di e club y a worde ricibi pa e presidente seior Moises St. Jago kende a presenta e miembronan di directiva di e club na e huespednan. Despues cu e huespednan a tuma asiento den un di e bunita setnan di muebles, hunto cu e presidente di e club y e advisor huridico sr. J. Emerencia y companja pa nan esposanan, nan a tuma e promer brindis. Maestro di ceremonia seior John Hart, a jama e huespednan bon bini na e club y a duna palabra na seior Moises St. Jago, como e promer orador di e atardi. E presidente di e club, den algun

palabra a duna expresion na e gratitud di tur e miembronan di club Boneriano pa e bishita di e Gobernador y na fin di su discurso a haci un suplica na Gobernador pa ki ora cu e bishita Aruba y si ta posibel haci un bishita na e club di su compatriotanan, locual a worde priminti door di Su Excelencia. E siguiente orador tabata seior Emerencia,

cia, como advisor huridico, kende a expresa na nomber di tur Boneriano e orgullo cu nanta sinti di por ta un Boneriano, esta naci na e mes un isla cu Gobernador di Antillas. El a muestra Gobernador como un ehemplo na e otro Boneriano, especialmente esnan hobenan, pa studia y pa progresa den bida. Despues di e palabranan di seior Emerencia, seior John Hart a pidi seior Debrot pa dirigi algun palabra di bon deseonan pa anja 1964 na e presentenan y Boneriano en especial.

Compronde otro.

Den discurso di anja nobo pa Club Boneriano seior Debrot a menciona dos sintimentu personal. Na promer lugar el a expresa Na promer lugar el a expresa su gratitud pa e invitacion carinoso pa pasa algun rato agradabel den compania di e miembronan di club Boneriano y e bunita discursonan dirigi na né. Gobernador Debrot a sigui den su discurso bisando " Na segundo lugar, senjoras y senjores mi kier ripiti na e momento aki mi deseonan fevoroso pa un bon anja



SABOR CU NUNCA
TA VARIA

IT NEVER VARIES

di felicidad y prosperidad pa nos pueblo en general y nos amigunan di Club Boneriano en particular. El a sigui bisa cu e ta spera cu e odio y violencia cu a lanta cabez asina fuerte ultimo lunanan di anja pasa, lo desaparece por completo of a lo menos lo bira menos cada dia mas y mas y cu por lo contrario reconciliacion y renovacion lo hanja mas y mas tereno. Paplano tocante e diferente islanan y gruponan di nos pais lo worde intensifica y fortifica mas y mas pasombra comprension mutuo ta base di bida social y na mes tempo base di nos relacionan internacional y interregional. Pasombra si nos no ta compronde otro kende lo compronde nos."

Promer su Su Excelencia a termina el a duna como deseo cu Club Boneriano lo sigui crece y florece den su tereno social y cultural, cual el a yama di gran importancia pa e pueblo. Cu un biba la Reina, Biba Antillas y nos pueblo, Biba Club Boneriano, Gobernador a termina su speech, despues di cual a sigui un brindis di champanja. Ariba invitacion di directiva di e club, seior Debrot y e otro huespednan a pasa door di e club pa admira e edificio espacioso y combersa cu e diferente miembronan y Boneriano presente. Te mas o menos 7'or e huespedad halto a keda combersando bebiendo y comiendo snacks den compania di e directiva y miembronan di Club Boneriano.

FATUM - Tel: 1845

pa tur bo aseguronan


nan ta landa bai pafor di e boelnan pa den e awa dushi di Palm Beach lubida e New York friu. Naturalmente cu tal landadornan ta corre peliger grandi.

Y caminda 100 bez mas tanto landador cu donjonan di speedboat ta, no ta husto pa mil landador tin di keda landa den un pida ckiquito di lamar pa algun amante di speedboat goza sin worde stroba, mientras cu e 10 speedboatnan tin tur espacio. Segun nos esaki ta parti poco inigual.

Laga nos pone atencion ariba e seguridad den e awanan di Palm Beach. Awor aki nos, directamente. No laga nos warda te ora cu un landador gozando den e awa fresco, worde saca for di lamar cu un lomba habri for di otro.

Alavez: un lamar pa landa segur ariba su mes ta un atraccion pa turismo.

Corsow na e momento aki seguramente no por bende tal cos...



Despues cu mas di un millon di Berlinan Occidental a hanja pas pa bishita e parti oriental di e ciudad durante dianan di pascu, e mu-

raya di Berlin a worde serra atrobe. Riba e portret aki un militar di Berlin Oriental ta pone un pida hardboard dilanti di e muraya.

Eleccion Reina di Carnaval ta tuma lugar 7 di februari

Oranjestad, 10 Januari

Durante un reunion teni Diarazon atardi door di e Comité Central di Carnaval cu presidente senjor Milo Croes, vice-pres. sr. Robert Martin, secretario sr. Daniel Leo, segundo secretario senjor Juan (Chai) Lacle, tesorero senjor Bruno Arends, segundo tesorero sr. Minguel (GEECHI) Pieters, miembronan di directiva, Julio Luydens, Oscar Heronimo, Bibiana Lopez, sr. Joan Peterson y Christine de Freitas, e puntonan principal di fiestamentu di Carnaval 1964 a worde stipula. E eleccion di Reina di Carnaval di Aruba e aña aki ta tuma lugar na Wilhelmina Stadion dia 7 di Februari. E C.C.C. nobo ta haciendo tur lo posibel pa duna e carnaval na Aruba un poco variacion cu algo folklorico aden.

E puntonan culminante di fiestamentu di carnaval e anja aki ta Eleccion Prins Carnaval 25 Jan Parada Prins Carnaval y tumamento di mando for di B.C. 1 Febr. Carnaval di mucha na San Nicolas 1 Februari 4.00 p.m. Carnaval di mucha na Oranjestad, 2 Februari 3.00 p.m. Eleccion Reina di Carnaval Aruba 7 Februari 8.00 p.m. Parada grandi na San Nicolas 8 Februari 3.00 n.m. Parada grandi na Oranjestad, 9 Februari 2.30 n.m. Entrego di premionan na ganadornan 11 februari.

Den un esfuerzo pa trece un cambio den e mes programa sin smaak di mes un anja y intro-

J. Erasmus ariba pia atrobe

Paradera, 10 Januari. E miembro di Staten senjor Jacobo Erasmus, kende ariba bispo di aña nobo mester a worde hospitaliza cu heridanan grave di kimamento cu steam, causa door di un pressure cooker, ayera a sali for di hospital atrobe. Diamars awor e ta spera di cuminsa traha atrobe como ambtenaar di Servicio General na be-stuurskantoor.

E homber aki tabata landa, un boto a pasa ariba dje, e chapaleta a sigui draai y e portret ta muestra e resultado despues cu nan a sake for di awa. Asina a sosode Dia-domingo pasa na Corsow..



duci algo nobo, C.C.C. a dicidi pa e anja aki duna carnaval un "cara" folklorico. Na e consulnan di e diferente paisnan un carta a worde manda, den cual nan a worde pidi pa stimula gruponan di nan colonianan pa tuma parti den carnaval cu trahenan nacional. Ya un grupo di 150 persona di San

Nicolas a inscribi pa tuma parti den e parodo di Carnaval. E candidatonan cu kier tuma parti na eleccion pa Reina di Carnaval di Aruba tin di inscribi promer cu dia 3 di Februari serca senjor Daniel Leo, secretario di C.C.C. Candidatonan pa Prins Carnaval por inscribi te ariba dia di eleccion di Prins.

Club Bonaireano fin su di nuebe candidata caba

San Nicolas, 10 Januari. Anteriormente nos a anuncia cu Club Bonaireano na San Nicolas tin ocho candidata pa Reina di Carnaval pero segun informacion di e directiva di e club menciona, tin un di nuebe candidata den persona di señorita Kay Luchoo. E premio atractivo pa e candidata di club Bonaireano cu worde eligi como Reina di Carnaval di e club e aña aki lo ta un auto "Austin Healy Sprite".

M. Henriquez a bai Europa pa Lago

Ora jestad, 10 jan.

Milton H. Henriquez, un asistente di personal den Departamento di Relaciones Industrial na Lago desde Augustus di anja pasá, a worde selectá como un miembro di e grupo di Standard Oil Company (New Jersey) pa conduci un estudio di salario y clasificacion na Hulanda.

Sr. Henriquez a sali Jan. 2 pa su asignacion nobo, cual lo dura seis luna. E ta worde sperá di regresá na Aruba durante Juli.

E proyecto den cual Sr. Henriquez lo presta su servicio ta parti di un esfuerzo continuo door di e compania principal pa keda na altura di salarionan y index di costo di bida ariba henter mundo.

E team ta worde sperá di reparsá y analizá algun 100 posicion salariá den departamento di refineria, di venta y actividadnan relacioná di Esso Nederland. Lider di e team ta Bernard Shearon, kende tabata traha na Lago for di december 1935 te juni 1942. Sr. Henriquez originalmente a drenta servicio di Accounting Department di Lago na Januari 1960 y a keda cu e grupo ey te na su cambio pa Industrial Relations. Promer di a bini na Lago, el a traha pa dos aña como un asistente administrativo na oficina di Aruba Bank na Oranjestad.

E soltero di 28 aña ta un graduado den Business Administration na Leigh University di Estados Unidos. Tambe el a atende Pennington Prep. School na Pennington, N.Y. (USA) y Juliana School na Oranjestad.

Ds. Dr. Kraft a muri

DEN HAAG, 10 Jan. Ayeranochi a muri na Hilversum Ds Dr Kraft. Dr. Kraft a nase na Corsow y a sigui su estudio na Ulanda. Hopi aña despues el a pasa den ex-India Ulandes caminda e tabata den un mision y a duna enseñanza. Despues di segunda guerra mundial el a regresa Corsow caminda el a drenta den servicio di middelbaar onderwijs (enseñanza secundaria) tantu pa enseyanza como pe bida cultural na Antillas señor Kraft a duna bon servicio. Su obra extenso di boeki tocante famillanan bleuw na Corsow ta ne lugar aki unico den su sorto.

Señor Kraft tabata un figura prominente den circuijonan Antillano na Ulanda.

NOBO NOBO NOBO NASSAUSTRAT No. 34

Nos a caba di ricibi tela nobo, manera Katuna „DRIP-DRY,, den colornan nobo di moda. Pa motibo di inventario nos por ofrece bo caba rebahanan grandi riba telanan cu bo cumpra. Haci liher, cumpra serca nos, kler meen cumpra bon, na prijs baratal

Cumpra bo tairanan

Continental

awor y laga nos
monta nan

GRATIS pa bo.

Tur tamanjo na existencia.

**E. & G. MARTIJN
(ARUBA) N.V.**

Havenstraat 10-12
tel. 1429 - 1493

diasabra 11 di Januari

**GRAN FIESTA DI
CARNAVAL 1964**

na

**NOORD SOCIAL
CLUB**

di 9'or pa 3'or a.m., cu
SENSACION MUSICAL, y un bar
y cushina bon prepara.
entrada caballeros f. 3.--
damas f. 1.--

Ganadornan di Statuutspel

Oranjestad, 10 Januari

Manera tur aña na ocasion di dia di Statuto, e aña aki tambe departamento di Informacion di Gobierno di Antillas a organisa un "Statuutspel" den forma di un "opstel"; un scribimento di storia chiquito pa e muchanan di school.

Entre e hopi bon "opstelnan" cu a worde manda aden nan a tene un rifa pa saca e cinco ganadornan.

Esakinan tabata: Mirna Peña di Huisshoudschool Mater Dei, Filomena Van Veen di Colegio Arubano, Violeta Lacle di Juliana School, Martha Falconi di Colegio Arubano y Ralph Willems di John Wesley College. E premio pa e ganadornan ta un blaha pa Corsow na unda nan lo bishita diferente lugarnan interesante y importante di e isla. E loteria a tuma lugar den presencia di señornan N. Piña-Lampe y P. Lacle di departamento di Informacion di Gobierno di territorio insular, diarazon pa 6'or atardi.

St. Antonius College ta corona reina dia 31

Santa Cruz, 10 Januari. Mescos cu aña anterior, e blaha aki tambe St. Antonius College di Santa Cruz lo celebra e fiesta di Carnaval 1964. E diferente candidatonan cu lo worde stipula lo representa cada klas di e school. For di e candidatonan aki e Reina di e school lo worde eligi, mientras cu dia 31 di Januari venidero e Reina di Carnaval di St. Antonius College lo worde corona.

TAS



pa beach y pa haci compras nos a caba di ricibi un lote grandi di diferente tamaño, na prijsnan razonable.

ACME STORE

TEL: 5381 - 5384
San Nicolas.

N A

La Linda

semper tin un
existencia
grandi di:

BISTIR

**PA
DAMAS**

- precioso
- elegante
- atractiva
- ultimo estilo



na prijsnan masha masha
favorable, pa un y tur!!!!

**S I E R A
TAPE RECORDERS**



CASA ELECTRONICA

(banda di Viana)

MUEBLES DANES


- Traha di madera exclusivo
- Bunita estilo
- Colornan unico
Drenta un rato, admira nan sin ningun compromiso!

Pa muebles fini bo
adres ta

MESKER ARUBA N.V.

Servicio rapido y prijs
razonable!

Pa furamento di sientu
di bo auto, tambe dak y
portanan.



RUIZ UPHOLSTERY

koningsstr, 4 - tel. 2257



Mañan Sr. H.J. Molenbrugge kende añañan largo tabata polis na Aruba y ta di e garde di mas bieuw na e momento cu a bin Aruba promer cu guerra pa sirbi den cuerpo policial akinan, ta laga Aruba hunto cu su familia na bordo di "Prins der Nederlanden".

Diamars anochi su coleganan a tuma despedida di dje den P.O.V.A. Ariba e promer potret nos ta miré ta habri e regalonan cu el a ricibi, mientras cu su tras comisario di polis, señor C. de Jager ta mirando y na robéz su yiu muher Dora y na drechi su esposa ta wardando cu sorpresa kiko lo sali for di den e cahá di regalo. Entre

otro señor Molenbrugge a hanja un bel, cual ta worde usa na Hulanda na porta of den corredor. Despues cu el a muestra e bel, hopi di su coleganan kier a mira su bel. (potret).

Armanan di Merca a aumenta cu 50 por ciento

WASHINGTON, 10 Jan. Funcionarianan Mericano ayera nochi bisa, cu e provision di armanan nuclear di Merca den ultimo tres anjanan a aumenta cu 50 por ciento. Segun nan tin millones di armanan nuclear den provision, door di cua a bira posible pa pasa pa un rebaho di material rendible, manera president Johnson a anuncia den su "State of the Union". Funcionarianan a bisa cu acento, cu e rebaho aki por wordu causa sin di laga e forza di guerra Mericano wordu perhudica. Glenn Seaborg, president dje comision Mericano pa energia nuclear a bisa despues cu nan lo serra entre otro 4 reactor dje comision. E cosnan aki lo nifica cu nan lo spar acerca di 50 million dollar den e aña fiscal, qu ta cuminsa dia prome di Juli.

Comentarionan riba State of the Union

Washington, 10 Jan. E sindicato mericano AFL - CIO a reaciona favorablemente riba e mensahe di Johnson tocante State.

E president George Meany a papia tocante un mensahe humano y cordial. E sindicato segun e ta completamente di acuerdo cu e preferencia cu president a duna na rebaho di belasting, kestion di derechonan civil y presupuesto di seguridad social pa hendenan bieuw. Pero, segun Meany, nos lo keda bringa pa ehecion di un siman di trabao di 35 ora, apesar dje reserva, cu president Johnson a haci riba e punto aki en relacion cu e lucha contra desempleo.

Prensa Britanico ta di opinion cu president Johnson, en relacion cu su mensahe tocante State of the Union lo atene su mes cu forza ne lineanan grandi dje politiek di defuntu president Kennedy. Segun e corant "Guardian", cu a bisa cu Johnson ta decidido pa sigui hala e linea di su antesor loke ta referi buscamiento di posibilidad pa llega na un destencion entre Occidente y Oriente. Un dje baricadanan principal riba e caminda aki ta, segun e corant, carrera di armamentu. President Johnson no a renuncia e carrera aki, pasombra e no kier a core riesgo den e stadium aki di comete suicidio. E economisacion cu e kier haci den presupuesto di defensa ta muestra su minor deseo pa corre e riesgo aki na su intencionan pa rebaha e velocidad dje carrera di armamentu segun e corant.

Ernest Werleman prome victima di trafico 1964

Pos Chiquito, 10 Januari

Ayera mainta pa mas o menos un cuarto pa 10 a muri den San Pedro Hospital señor Ernest Werleman, kende a bira e promer victima di trafico na Aruba pa aña 1964. Señor Werleman tabata biba na Pos Chiquito 32 y ta esposo di señora Bonifacia Koolman.

Diarazon ultimo pa 11' or di mainta señor Werleman kende probablemente a cruza caminda di ripiente na altura di La Esperanza na Pos Chiquito a worde gedal pa e station wagen chiquito A-4085 maneha pa J.R. E victima a worde herida gravemente y tabatin heridanan serio na cabez mientras cu algun ribchi a libra. Dokter H. Dennert kende a duna promer yudanza medico a duna encargo pa hiba e victima mes ora pa San Pedro Hospital caminda el a worde tuma pa tratamiento. Ayera mainta pa banda di un cuarto pa 10 señor Ernest Werleman di 80 aña di edad a muri, como e promer victima di e trafico na Aruba pa aña 1964. E tabata casa cu señora Bonifacia Koolman cu kende e tabatin tres yiu, esta Rosimbo, Lazaro y Anrires Werleman.



CALIDAD
QUALITY

SABROSO
DELICIOUS



R
I
C
H



R
I
C
H

N.V. WINKELS HANDEL MAATSCHAPPIJ.

ARUBAANSE KUNSTKRING

ta presenta

e fantastico grupo di baile Spanjò

MARCHEÑO Y CARMELILLA

cu ballet folklorico, canto y baile Flamenco.

Dialuna 13 di januari 1964 pa 8.30 p.m. den Centro Cultural.

Entrada: Fl. 4.-- pa no-miembronan

Fl. 2,50 pa miembronan di Kunstkring

Venta delantá y reservacion serca

De Wit Stores

Kaarchinan di miembro pa 1964 obtenible na e venta delantá y na entrada.

Gobernador di bishita na Club Bonaireano



Diarazon atardi Gobernador N. Debrot y esposa acompaña pa Gezaghebber O.S. Henriquez y señora a haci un bishita di dos ora na Club Bonaireano na San Nicolas. Durante e bishita el a combersa cu diferente miembronan y Bonaireanonan di e Club. Ariba e promer potret nos ta mira Gobernador den combersacion cu un di su compatriotanan, mientras den centro presidente di Club Bonaireano, señor Moises St. Jago ta mirando.

Ariba di dos potret nos ta mira na robes señor Oscar Henriquez y na drechi señor N. Debrot den combersacion cu un di e candidatanan pa Reina di Carnaval di Club Bonaireano, - srta. Annie Martinez.

Di tres potret ta mustra nos un di e echonan di gratitud y aprecio cu Gobernador y señora Debrot a hanja Diarazon atardi den Club Bonaireano. Aki un hobencita ta dunando señora Debrot un boeket di flor.



Lions tin plan pa rifa otro cas

Oranjestad, 10 Januari
Durante di un reunion di Lions di Aruba cual a worde teni Diarazon anochi den Trocadero un comision di loteria di Lions a bolbe worde forma cu como presidente señor C. Juliao. E comision aki pronto lo haci un peticion na Gobernador pa hanja e permit pa tene loteria pa un cas.

Anteriormente Lions a rifa un cas caba cual a worde gana door di Sr. Halme Damian di Rooi Busal.

Durante e reunion aki un bandera di Lions Aruba a worde entrega na señor A. Glayton Hollender (kende ta un "miembro international di Lions pa bida") door di e president señor Erwin Oehlers. Señor Hollender kende un tempo tabata Gobernador di New York tabata di un bishita cortico na Aruba.

Un otro huesped na e ultimo reunion semanal di Lions tabata señor F. Delvalle, vice-gobernador di e distrito di Antillas di Lions, kende na un reunion a laga sabi cu Lions club di Corsow lo apoya e candidatura di señor Oscar Marugg pa e puesto di Gobernador di e zona aki di Lions. Señor Milo Daal a worde introduci e anochi aki como un miembro nobo di e Leonan na Aruba.

Hinkamento na San Nicolas

San Nicolas, 10 Januari
Diarazon anochi algun minuut promer cu 8' or asistencia di polis a worde pidi na San Nicolas pa un hinkamento cu a tuma lugar banda di e planta di refresco ayanan. Ora cu patruilla y recherche a yega nan a hanja un homber gravemente herida cu un hinka na altura di su corazon. E homber K. a worde herida pa e caballero B. kende un cuarto pa 12 anochi, a bin duna su mes cuenta na warda di polis na San Nicolas, declarando cu el a bringamento el a hinka K. cu un botter kibra. E victima K. kende tabata herida seriamente mester a worde transporta mes ora pa San Pedro Hospital caminda el a worde tuma pa observacion. E caballero B. a worde carcela, mientras recherche ta investigando e caso.



Programa di partido di congreso na India

Senador B. Goldwater tocante campanja conservativonan

BHOEBANESJWAR, 10 Jan. Kamaraj, president dje partido di congreso cu ta goberna na India declara den un discurso pe reunion anual dje partido na Bhoebanesjwar na Noordoost di India, cu su pais lo habri porta pa deliberacionnan cu China, pa hanja un arreglo justo pa e kestion di frontera entre India y China, pero segun el a bisa, India niester mobilisa su fuentenan di ayudo pa for resisti agresion chinas.

Deliberacionnan riba base di proposicionnan di Colombo, cu ta exigui stopmentu di agresion como condicion pa deliberacion mutuo, tabata e unico cu India por acepta. Kamaraj ta lamenta e actitud hostil di Pakistan contra su pais y a bisa, cu e indonesnan no kier nada menos cu biba na paz cu e pueblo di Pakistan. El a rechaza tambe e critica riba politiek neutralista di India ya acentua cu su partido ta apoya e politiek di goberno den e sentido

aki completamente. Kamaraj a acusa e politiek rasial di Sur Africa y Portugal. El a acentua, cu su partido lo sigui lucha pa establecimiento di un comunidad socialista den epais, basa riba democracia parlamentario, su partido no tabata contra e formacion di companianan gigantesco den sector particular. Invercionnan di capital di stranheria den empresanan di India ta bon bini, segun Kamaraj.

Retiro di segundo minister Mericano

WASHINGTON, 10 Jan. President Johnson a acepta retiro di segundo minister di defensa Roswell Gilpatric. E segundo homber dje pentagon. Gilpatric, kende su retiro ta drenta den vigor dia 20 di Januari, te prome ambtenaar altu cu ta sali di goberno Johnson. Foi aña pasa el a pone president Kennedy na conocimientu pa continua su trabow priva, asina cu su retiro no ta sorpresa den goberno Johnson. E president a nombra C. Cyrus Vance, actual minister di exercito, sucesor di Gilpatric.

Conspiracion na Argentina

BUENOS AIRES, 10 Jan. E delegado di oposicion Roberto Galeano a declara ayera den Lagerhuis cu un conspiracion militar ta poco poco pero dicidido riba caminda.

Galeano ta miembro dje partido radical intransigente. E partido aki tabata apoya e anterior president Arturo Frondizi, cu a baha na maart di 1962 door di un golpe militar.

Galeano a bisa den e camara cu parlamento ta den peliger y a agrega "laga nos uni nos mes sino otronan inas pisa lo habri nos fol otro". Segun Galeano dos general, e rumannan Frederico y Carlos Toranzo Montero ta masha activo den e conspiracion cu ta lucha pa establece un goberno militar pa tempu di seis aña.

Entreganan Spanjo na Cuba

MADRID, 10 Jan. Spaña lo bende cu Cuba locomotornan electrico y aparatura parafernaria nan di sucu, segun a ser anuncia foi fuente bon informa na Madrid. Un delegacion Cubano di comercio ta haciendo actualmente un bishita na Bilbao, caminda tin un fabrica cu for di varios tempu caba ta fabrica material di ferrovarya pa Latino America.


PORTSMOUTH, 10 Jan. Senador Mericano Barry Goldwater a declara na un conferencia di prensa na Portsmouth den estado Mericano Hampshire, cu president Johnson inconstante a uni su mes na un campanja contra conser.ati onan Mericano, door di bisa den su mensahe tocante "State of the Union," cu president Kennedy ta un victima di odio. E senador republicanoderechista ta para conosi, manera anuncia, riba nominacion pa candidato republicanu pa presidencia. E ta hanja cu e thema di odio dje mensahe di Johnson te sun di mas exagera, cu Johnson a hanja necesario pa trese e thema relaciona cu morto di Kennedy atrobe dilanti.

E campanja contra conservativonan ta lanta pa comunista y radicalnan segun Goldwater. Mi no ta kere cu Johnson lo a pensa bon prome, asina el a bisa. E homber cu a asesina president Kennedy, tabata un producto dje sorto di odio causa pa comunismo no pa Mericanonan.

Plan Mansholt aproba pa EEG

STRAATSBURG, 10 Jan. Parlamento Europeo na final di un sesion agricola special di dos dia na Straatburg cu un mayoria aplastante a aproba e plan Mansholt, cu ta proviciona den un importacion di prijs europeo di mainshi den un biaha, kier men un solo eheclusion di prijsnan nacional di mainshi na un nivel Europeo. Solamente 9 democraat christian di Alemania y liberalnan a vota contra.

Tambe parlamento, cu mayoria basta grandi, a rechaza un prijs Europeo di mainshi riba alto nivel, esaki kier men un nivel mas haltu cu loke Mansholt a hanja necesario.



Teatro Aurora

ta presenta dia 11 y 12 di januari '64
pa 8'or p.m.

A TREMENDOUS EVENT FOR PEOPLE OF ALL AGES!

HATAR!!!

HOWARD HAWKS PRESENTS

STARRING JOHN WAYNE

CO STARRING HARDY ELSA GERARD and RED HOWARD

CRUGER-MARTINELLI-BLAIN-BUTTONS-HAWKS

SCREENPLAY BY LEIGH BRACKETT - KURNITZ - MANCINI

MUSIC SCORE BY HARRY HENRY

PARAMOUNT RELEASE

„UN HISTORIA TREMENDO PA HENDE DI TUR EDAD,,

entrada general fl. 1.-- (tur edad)

Tsjou En Lai pa Tunisia

TIRANA, 10 Jan. Promer minister Tsjou en Lai di China y e minister Chines di exterior mariscal Sjen Yi, awe mainta a sali fol Tirana pa Tunisia despues di un bishita oficial na Albania caminda nan a llega 31 di December pasa.

No tin encuentro entre De Gaulle y Johnson

WASHINGTON, 10 Jan. Di fuente di Casa Blanca ayera nochi a ser anuncia cu president Johnson no a ricibi invitacion pa un conferencia cu president De Gaulle di Francia cu lo worde tene na Maart proximo na West India. Cu esaki nan a reaclona riba rumornan cu De Gaulle gustosamente kier a papia cu Johnson y Johnson a laga sa cu e ta prefera un conferencia na Martinique, cu ta keda na 480 km na noordoost di Venezuela. Na Casa Blanca nan a declara cu Johnson meste resolve asina tantu problema den e pais cu e no tin idea di sali e lunanan venidero aki dje pais. Observadornan diplomatico na Washington ta kere cu De Gaulle no a manda ningun invitacion oficial pa Johnson, pero a laga mira inoficialmente si Johnson ta sinti algu pa un tal encuentro y a hanja di tende cu e mes ta prefera un conversacion na Martinique. Manera ta conoci De Gaulle tin idea di sali na maart pa Mejico.

Dr. van Roijen embahador na Londen

DEN HAAG, 10 Jan. Pronto nan ta spera nombracion di Dr. van Roijen actualmente embahador na Washington como embahador di Ulanda na Londen y alaves tambe embahador pa Islandia.

Durante su peregrinacion pa Jerusalem Papa Paulo VI a sunchi e piedra den jardin di Gethsemane.



AGENDA

ARUBAANSE COURANT

diariamente cu excepcion di
diadomingo

subscripcion f. 3.25 pa luna
edicion los 20 ct.

edita pa:

N.V. Arubaanse Druk-
kerij - en Uitgevers -
en Publiciteits Mij.

imprimi na:

N.V. Drukkerij
,,de Stad,,

Telefoon 1116 Directiva
y redaccion, 2116 Anun-
cio y subscripcion.

Directeur hoofdredacteur:
D. Wolff.

CINE

Diabierne 10 Jan:

De Veer: 8.30 p.m. "Zoals zij
geschapen zijn" 18 j
Rialto: 8.00 p.m. "Man-Trap" 18 j
Principal: 8.00 p.m. "The Seven
Unholy Terrors of SAMAR the
gateway to hell" 14 j
Aurora: 8.00 p.m. "Dondi" all
Savaneta: 8.00 p.m. "Bullwhip" all

BOTICANAN DI WARDA

Oranjestad: Botica Oduer Tel:
1780.

San Nicolas: Botica San Lucas.
Tel: 5119

DOKTERNAN DI WARDA

Oranjestad-Noord: Dr. J.R. Leo
San Nicolas-Sta Cruz-Sav: Dr.
A.v.d. Hoeven,

WIT-GELE KRUIS

Oranjestad: Zr. Ewald
San Nicolas: Zr. Perpetua
Santa Cruz: Zr. Ludovic

TELE-ARUBA

Diabierne 3 Januari,

05.30 Cartoons
06.00 Israel Presents
06.45 Papiamento Newscast Li-
ve & Filmnews
07.00 Gunsmoke
07.30 Sports News
07.45 Frankie Laine
08.15 Dangerous Robin
08.45 English Newscast Live &
Filmnews
09.00 Perry Mason
10.00 Sign off.

Cumpleanjo.

Dia 8 di Jan. a cumpli anja
hobencito Ceferino Teofilo Ma-
duro, felicitacion ta bini di su
mama Felequina, tata, rumanan
Siria, Juan, Camilio, Lucrecia,
Maria, subrina Rigina, wela y
welo, tanta y omonan, primo
y primanan, madrina Sofia Her-
nandez, padrinan Bartolomeo
Hernandez y Marcelo Maduro
y demas famia Maduro.

President Soekarno pa Cambodja

PNOMPEHN, 10 Jan. Gobierno
di Cambodja a anuncia cu pre-
sident Soekarno di Indonesia lo
haci Cambodja un bishita ofi-
cial dia 11 di Januari proximo
te dia 15 dje luna ey. E pre-
sident Indones lo ta compania
pe vice premier Soebandrio y
cinco otro minister

RADIO CARACAS TELEVISION

8.45 Senderos de luz
9.00 Cajas con sorpresas
9.30 Jardin de infancia
10.00 Documentales
10.30 Cosas de mujeres
11.15 Culen es quien en T.V.
11.45 Novela
12.00 Show de Saume
13.00 Noticias
13.05 Cont. Show de Saume
13.15 Se necesita una amiga
13.35 Novela
13.50 Yo se lo vendo
14.20 Punto y aparte
14.45 Estudio Hector Monte-
erde
15.15 Perfecta ama de casa
15.45 Aventuras Popeye y Ye-
yo
16.15 Mejias y sus muchachos
16.45 Busque su marca
17.15 Comedy Capers
17.45 Noticias
17.50 Papa lo sabe todo
18.30 Extraño mundo del Pan-
tano
19.00 Revolver a la orden
19.30 Nuestra Peggy
20.00 OEl observador
20.15 Novela
20.30 Craneoteca de los Genios
21.00 Pánico
21.30 Las enfermeras
22.30 Noticias
22.35 Cine para todos

Dos candidata di Jolly Teeners a hala tras

Santa Cruz, 10 Januari
For di e cinco candidata pa e
club hubenil di Santa Cruz, cual
na promer instancia a pone nan
mes desponibel pa e eleccion pa
titulo di Reina di Carnaval 1964
di "Jolly Teeners" dos di nan
a renuncia pa esaki. E dos da-
manan cu a hala tras ta Lidia
Dirks y Dilia Rasmijn. Asina
cu awor a keda tres candidata.

Tunela a worde destrui pa evita huida

BERLIN, 10 Jan. Di fuente di
Berlin Oriental nan a laga e pro-
puesto huida di un grupo di Ale-
mannan Oriental via un tunela
entre Berlin Oriental y Occiden-
tal fracasa. Tres mucha muhe
via e tunela aki a yega e parti
occidental dje ciudad.
E grupo grandi tabata pa intenta
pa hui ayera pero prome que ora
stipula miembronan di polis di
frontera di Berlin Oriental a
destrui e tunela cu un explo-
sion. Na Berlin Occidental nan
ta sospecha cu e refugiadonan
a worde avisa na tempu. E tun-
ela, cu tabatin un largura di
150 meter y un profundidad di
10 meter tabata pasa di un cas
di Berlin Occidental pa un depo-
sito di carbon den e parti o-
riental dje ciudad. Segun a ser
anuncia na Berlin Occidental dos
obrero a descubri e entrada di
e tunela y inmediatamente a lla-
ma polis di frontera. Poco des-
pues un explosion pisa a reso-
na ne banda di Berlin Occidental
y gaz lacrimogena a sali dje
tunela ne parti Occidental. E co-
badonan dje tunela por a reti-
ra na tempu for esaki.

E intento di huida dje grupo
grandi tabata pa tuma luga pa
manece pero den curso di atar-
di e tunela a ser descubri. Du-
rante construccion dje muraya
entre este y oeste dia 13 di
Agosto di 1961, hopi Aleman O-
riental a hui pe sector Occi-
dental via un tunela. Na Janua-
ri 1962 28 Berlin Oriental a lle-
ga Occidental dje manera men-
ciona. Na Mei dje mesun aña
12 persona a logra scapa. Nan
ehempel a wordu sigui na Sep-
tember dje aña ey pa 29 Ber-
lin Oriental. Na Maart 1963 19
persona a scapa via un tunela
pa Occidente.



Mas di un millon di
habitantenan di Ber-
lin West a bishita a-
migu y conocirnan
den e parti oriental

di e ciudad. Riba e
portret aki nos ta
mira con e bishitan-
tenan ta regresa ano-

chi ora e validez di
e pasnan a expira,
door di e muraya pa
e ciudad.

1 Luna gratis subscripcion

Bo ta lesa Arubaanse Courant

12 luna, pero ta paga

unicamente 11 esta si.....

abonadonan cu entre awe y dia 15 di Ja-
nuari 1964 paga nan subscripcion pa henter
anja 1964 den un solo biaha ta hanja e cou-
rant un luna gratis y ta paga 11 x Fl. 3,25
= Fl. 35,75

BO TA SPAAR FL. 3,25

Bo por paga na nos oficina of cerca un di nos
cobradornan

(p.f. no serca e muchanan cu ta parti courant)

Commemoracion di 500 anja Staten Generaal

DEN HAAG, 10 Jan. E Ridderzaal dorná cu bandera y flor tabata ayera escena di e ceremonia, cu cual nan a conmemora 500 anja di Staten Generaal. La Reina Juliana y Princesa Beatrix, tabata e principal personanan dje reunion aki, rond di cual tabatin gruponan di representantenan di pueblo, compania y instalacionnan historico. Ora cu nan a drenta Ridderzaal e

Kestion Cyprus

NICOSIA, 8 Jan. Un delegacion cu ta conta un tres persona, cu lo representa e grupo Turco di poblacion di Cyprus ne venidero conferencia na Londen tocante futuro dje isla, a sali pa Ankara pa deliberacion preparativo cu autoridadnan Turco. E lider dje delegacion a bisa promer cu su salida na periodistanan cu tin mester di garantianan figo pa seguridad dje comunidad Turco Chypriota, y cu e blaha aki nan lo no tuma solamente palabranan bunita.

Segun e lider di delegacion e ultimo cifranan dje cantidad di victimanan Turco di Cyprus dje irregularidadnan di luna pasa ta 99, y nan a perde 154 mientras 470 ta herida. Funcionarionan Griego Chypriota a calcula e cantidad di mortonan di nan banda riba 50.

capela di polis di Reinado a toca e himno nacional.

A presede e reunion e presidentenan di ambos camara, caminda Mr. Jonkman mester a tene palabrá di inauguracion.

Ademas dje president Mericano Johnson, presidentenan di Eerste y Tweede Kamer di gobiernoruso a manda felicitacion pe gobiernu Ulandes en relacion cu e existencia di 500 anja di Staten Generaal. E telegram ta dirigi na president di Tweede Kamer di Staten Generaal, señor Jonkman. Tabata e telegram lo siguiente.

-Permiti nos pa felicita den nomber di Soviet Supremo y tambe e poblacion Ulandes qu e dia inolvidable aki den historia di Ulanda - e conmemoracion di 500 anja pasa dje promer reunion di Staten general. Nos ta desea bo pais hopi exito y progreso.

Papa Pablo riba e puente di Prins Abdullah di e riu Jordaan, meimei di su sequito. Segun historia biblica Cristo a worde bautiza riba e lugar aki.

Papa tocante su perigrinacion

Ciudad del Vaticano, 9 Jan. - Papa Pablo Sexto a conta e bishitantenan di un audiencia general den salanan di Vaticano e impresionnan cu el a hanja durante su peregrinacion pe Terra Santu ultimo fin di siman. El a compara e peregrinacion aki como un pida terra secu cu ta wordu e bolter y a bisa di ta desea cu tur hende lo corda e acontecimiento aki pa piki fructo di dje. E peregrinacion aki a trese atrobe ideanan bon dilanti cu ta tapa pa un historia di siglonan pero cu no ta paga.

Papa a bisa cu su progreso tabata riba su mes un audiencia general pe pueblo di Roma y tur autoridadnan, di un forma cu jamas a tuma luga ainda. E relacion entre Jerusalem y Roma jamas tabata asina directo y asina uni. Tambe su encuentro cu autoridadnan y poblacion di lugarnan santu no po tabata mas mihor. santu no por tabata mas mihor.

Refugiado a keda aresta

Guardianan di Alemania Oriental ayera mainta temprana aresta un Aleman Oriental den edad cu a trata pa hui pe sector - Frances di Berlin Occidental.

CARRIBBEAN MERCANTILE BANK N.V.

TA PARTICIPA CU INTEREST Ariba
SP AARBANKBCEKJES A WCRDU AUMENTA
HASTA

3 PORCIENTO

DESDE 1 JANUARI 1964. ADEMAS INTEREST
ATTRACTIVO T A WCRDU CFRECI Ariba
DEPOSITOS PA QUALQUIER PERICDO FIJC.

DEPARTEMENT VAN ONDERWIJS EXAMENS L.O.

De Inspecteur van het Onderwijs brengt ter kennis, dat zij, die in het jaar 1964 examen wensen af te leggen ter verkrijging van een L.O. akte van bekwaamheid tot het geven van onderwijs, zich daartoe schriftelijk kunnen opgeven bij het Departement van Onderwijs vóór 1 februari a.s.

Bij de aanmelding dient overgelegd te worden een uittreksel uit het geboortenregister of bewijs van inschrijving in het Bevolkingsregister.

Het examengeld, hetwelk vanaf 15 februari a.s. ten kantore van de Landsontvanger kan worden voldaan, bedraagt:

- f. 40,- voor elk van de examens voor de akten van bekwaamheid in de ENGELSE TAAL, de FRANSE TAAL, de HOOGDUIJSE TAAL, de SPAANSE TAAL, de HANDELSKENNIS, de WISKUNDE, de VROUWELIJKE HANDWERKEN en de HANDELENARBEID.
- f. 35,- voor het afleggen in één en hetzelfde jaar van het examen voor de akte van bekwaamheid als ONDERWIJZER en de examens voor de akten van bekwaamheid in de LICHAMELIJKE OEFENING en de HANDWERKEN VOOR MEISJES;
- f. 30,- voor het afleggen in één en hetzelfde jaar van het examen voor de akte van bekwaamheid als ONDERWIJZER en één der examens voor de akten van bekwaamheid in de LICHAMELIJKE OEFENING en de HANDWERKEN VOOR MEISJES;
- f. 20,- voor elk der gedeelten A en B van het examen voor de akte van bekwaamheid als HOOFDONDERWIJZER, het examen voor de akte van bekwaamheid in de LICHAMELIJKE OEFENING, de HANDWERKEN VOOR MEISJES en het HANDELENARBEID.

N.B. Bij aangifte voor het A-gedeelte van het examen voor de akte van bekwaamheid als hoofdonderwijzer, dient de akte van bekwaamheid als onderwijzer te worden overgelegd. Men wordt verzocht het examengeld vóór 15 maart te storten en het bewijs van betaling aan het Departement van Onderwijs op te sturen.

Eenmaal betaalde examengelden worden niet teruggegeven (art. 243 lid 5 van het Onderwijsbesluit 1935 (P.B. 1935 no. 49) zoals gewijzigd en aangevuld.

De Inspecteur van het Onderwijs,

P.T.M. Sprockel.

E mision economico Ulandes na Tunesia

TUNISIA, 10 Jan. E mision economico Ulandes cu actualmente ta bow di direccion di Dr Weisglas, consehero economico di Unilever NV, a bishita Tunesia ayera mainta y a ser ricibi oficialmente pa president Bourguiba. Señor Weisglas a ofrece president Bourguiba un fotocopia di e unico manuscrito cu ta existi dje trabao "Hamassa", dje poeta di Arabia el Bohtouri. E representantenan dje personanan cu ta cria ganado na Ulanda a ofrece e president Tun-

esino un toro como simbolo, manera el a bisa, dje contribucion Ulandes pa cambio di cria di ganado na Tunesia.

Sosiego pa Nehroo

NUEVA HELHI, 10 Jan. Docternan dje minister president di India Nehroo a consehele pa por lo pronto tuma un bon sosiego, Nehroo ya a cancela tur su citanan pe venidero dos simannan.


E docternan ta hanja cu den e ultimo simannan Nehroo su presion a subi hopi. Nan ta bisa cu esaki ta causa pe trabao dje promer minister causa pa tensionnan. E docternan a bisa di ta spera cu pronto Nehroo lo ta bon atrobe. Nehroo actualmente tin 74 anja.



RIP KIRBY pa cortesia di: **JAN BODEGOM & CO (ARUBA) N.V.**
 Agente exclusivo di **FRIESCHE VLAG** lechl evaporado y lechl en polvo **MAXWELL HOUSE KOFFIE.**




DICK TRACY pa cortesia di: **ANTILLIAN HARDWARE CO.**
 E mihor adres pa VERF, KWASHI, TUR HERMENT, ARTICULOS SANITARIO.



CISCO KID pa cortesia di: **ARUBA BOTTLING COMPANY**
 NESBITTS den varios sabor, e refrescan mas pidi y mas gusta na Aruba



BUCHI ROBEZ pa cortesia di: **REFRESQUERIA INGRID** tel: 1849
 E mihor adres pa snacks, tur clase di dushi, softdrinks, ice-cream y revistas.



PEPITA

HOROSCOPO PERSONAL

Pa Diasabra 11 di Januari
ARIES 21 maart - 20 april
 Bo relacionnan cu otroonan por tension awor. Trata pa mantene harmonia y paga tino cu exigencianan cu bo posicion ta pone bo.

TAURUS 21 april - 21 mei
 Bo lo tin cu atende cu personanan nervioso den bo trabao. Pa atencion na bo dieta sino bo perhudica bo salud.

GEMINI 22 mei - 21 juni
 Ta depende di bo mes si bo tin un dia agradable awe. Tra pa evita asuntunan cu ta costa hopi placa of gastonan innecesario.

CANCER 22 juni - 23 juli
 Awe lo ta un dia dificil den vecindario, tene cuidao no laga bo emocionnan domina bo. Si keda neutral lo combeni bo mas.

LEO 24 juli - 23 augustus
 E periodo aki no por worde considera como mucho favorable decisionnan of mehoracion di relacionnan cu otroonan.

VIRGO 24 augustus - 23 september
 Tene cuidao cu problemanan tin relacion cu gastonan y asuntunan di amigo y sernan queridos. Anochí por surgi un problema serio.

LIBRA 24 september - 23 oktober
 Mantene bo equilibrio pasombra bo lo tin e tendencia pa hasicoonan menos tactico. Keda poco riba background y laga otroonan papia numa.

SCORPIO 24 oktober - 22 november
 Tene cuidao awe pa un situacion door di cual bo por hanja bo dificultad. Bo tin mester di tranquilidad y soledad.

SAGITTARIUS 23 november - 22 december
 Mantene bo self-control ora cu otroonan ta perde di nan. Bo mes ter distancia bo mes di cosnan cu ta costa bo mas cu bo permiti bo mes.

CAPRICORNIUS 22 december - 20 januari
 Awor lo depende di bo con lo por adapta bo mes na circunstancianan. Cu un actitud correcto to bo por pasa un anochí mas satisfactorio.

AQUARIUS 21 januari - 19 februari
 Prepara bo mes pa situacionnan cu por cambia henter bo programa di awe radicalmente. No exita bo mes si otroonan no pidi di liber.

PISCES 20 februari - 20 maart
 Trata pa evita flamento di cobao di aspectonan actual. Bo hanja bo mes den dificultad cu bo amigunan.

Turistanan Ulandan pa Indonesia

DJAKARTA, 10 Jan. Mas o menos seis mil vacacionista foi Ulandan lo bishita Indonesia den curso di aña aki. Asina un boso di minister di comunicacionnan y toerismo a anuncia na Djakarta. Nan ta forma e prome grupo di toeristanan qu ta viaha pa Indonesia despues cu e dos paisnan aki a drecha e relacionnan diplomatico cu otro. Indonesia ta spera cu den e lunanan cu ta bini 25 mil toerista di stranheria lo bishita e pais aki. Toeristanan aki ta bini principalmente di Merca y Europa.